

inquerissi con che zente è zonto il conte Cristofolo, et si ha più numero di quello era solito esservi a li tempi passati.

Fu mandato a Treviso Sebastian Paxe rasonato a far li 40 fanti per Civald, come ozi è stà preso in Pregadi, e datoli page . . . per uno, e scritto al Podestà e capitano a Treviso mandi uno bombardier.

336\* *A dì 19.* La matina vene l' abate di Borgognoni episcopo di Cremona, al qual per il Patriarcha è stà commesso la causa di sier Vidal Veturi, è stà retenuo per aver tolto do mojer, e disse li Avogadori debi soprastar fino lui termeni si la prima era so' mojer over non. E qui con li Avogadori fo gran contrasto; *tamen* la Signoria terminò che li Avogadori soprastaseno per 8 zorni di redur el Colegio, e in questo mezo ditto abate expedisse la materia. Et il Colegio fo butà; tochè sier Francesco da Pexaro avogador, sier Andrea Mudazo e sier Hironimo da Pexaro consieri, sier Piero Morexini cao di XL, sier . . . Signori di note, et il Veturi è in preson apresso l' Armamento.

Vene il Legato dil Papa in Colegio, e volse audientia con li Cai, et fo sopra la opera di quel frate Andrea di Ferara, qual è ito a Ferara, non si lassì scampar.

Fo *letere di Verona di rectori*, quali mandano letere di l' orator nostro in Spagna, zoè in Alemagna, quale erano in zifra, venute con le poste cesaree tien sul veronese.

*Di sier Francesco Corner el cavalier orator nostro in Alemagna, fo letere di 6 et 11 Zener.* Il sumario dirò di soto. Se intese la morte dil cardenal di Croy nepote di monsignor di Chievers, zovene di anni . . . morto in 7 zorni, havia intrada ducati 80 milia, la qual intrada il re di Romani vol darla tutta a uno suo fratello di età di anni . . . e vol veder di farlo Cardenal.

Da poi disnar, fo Colegio di Savii *ad consulendum*.

337 *Die 18 Januarii 1520 in Rogatis.*

Essendo stà per el tempo passato provisto che sopra i rii et nostro Canal grandò, et da le parte di fuora verso de questa cità, le lagune nostre, non se potesse far ponti, nè meter pali, nè far fabrica alcuna su dieti pali per non impedir el corso de le acque et aterar epsa laguna; perchè da certo tempo in qua sono stà molti che contra la forma de le dite provision hanno facto pontili et altri edifici sopra pali, ficto pali e facto cavane contra quello el dove-

vano et potevano in gran danno del corso de le acque et per *consequens* de dieti lacune nostre; et volendo li Savi nostri sopra le acque exequir l'oficio suo, se trovano molti zentilhomeni nostri, come altri, che fanno resistentia e non lassano cavar et destruzer quello è stà fato contra el dover, menazando et injuriando li ministri dil ditto oficio de sopra le acque, trahendoli *etiam* de i saxi, per modo che se non se li prevede oportuno remedio le cose andeano in sinistro, et però :

L'anderà parte, che per autorità de questo Consejo, sia preso che tutti quelli, siano de che condition esser se voglia, si ecclesiastici come secolari, che se trovano aver pontili, cavane over altri edifici facti sopra le lagune nostre, in Canal grandò, canali et rii de questa cità nostra, contra quelli ponno haver, debano in termene di zorni 8 dal dì de la publication de la presente parte haver desfato et destruto tutti quelli, et *similiter* haver cavati et levati via tutti i pali avesseno mezo pe' luntan de le fondamenta, exceptuati però i pali ficti ai trageti per il dismantar de le persone, qual per tutti tre li Savi nostri sopra le acque d'acordo e non altramente siano regoladi et modificati in quel melior modo a loro aparerà; et passati li diti zorni 8, siano obligati i Savi nostri sora le acque farli cavar, et i pali et leguami siano de i ministri de l' officio che caverano, azio el dito officio habi quella minor spesa sia possibile per el cavar di quelli. Et se 'l sarà alcuno, sia chi esser se voglia, che habia ardimento de contradir over obstar, menazar, offender over injuriar alcuno de dieti ministri, cadino et se intendino esser cazudi a la pena di ducati 25 per uno, i quali siano aplicadi a la cavation de rii, et se 'l sarà zentilhomo sia bandito dal nostro Mazor Consejo per un anno, e se 'l non sarà zentilhomo star debi mexi 6 in preson, nè se li possi far gratia alcuna sotto pena de la più stretta parte de i contrabandi. Et la execution de la presente parte sia commessa ai Savi nostri sopra le acque predieti et a cadaun de quelli, i qual possino exigerla senza altro Consejo.

*Die 19 mensis Januarii 1520.*

Publicata fuit ista pars super scalis Sancti Marci et Rivoalti per Stefanum Pauli preconem publicum, legente Nicolao Florio fabricherio nostro super aquas ad comunem noticiam.